



JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

Sumario
08 Agosto 2008

Julgamentu ba Kazu sira iha Tribunal Oecusse

Prosesu julgamentu ba kazu ofensas corporal ringan hamutuk 9 iha Tribunal Oecusse tuir orariu ne'ebe determina ona iha dia 16-18 no 21 Julho 2008. Maibe iha kazu 4 ne'ebe la konsege julga tanba arguidus, vitimas no sasin sira la marka prezensa ho razaun laiha transporte husi hela fatin ne'ebe dok tebe-tebes. Adiamentu ba kazu ne'e sei julga fali iha dia 5-7 Agustus 2008.

Ministeriu Publiku ne'ebe reprezenta husi Domingos Barreto akuza arguidu hotu-hotu ho artigu 351 ayat (1) Code Penal kona ba ofensas corporal simples. Julgamentu lidera husi juiz singular Helder Antonio do Carmo. Iha parte seluk arguidus sira hetan assistensia legal husi advogadu privadu Fundasaun Fatu Sinai Oecusse (FFSO).

Kazu 3 ne'ebe julga to'o hotu, tribunal fo sentensa suspensaun da pena no iha kazu ida seluk tribunal hatun desizaun absolver
Tuir mai kazu ne'ebe tribunal Oecusse julga no deside iha periodu ida ne'e;

Kazu ofensas coporal No kasus 06/CO/TDO2008, Julgamentu no desizaun 16 Julho 2008

Audiensia ba julgamentu ne'e hodi rona deklarasaun husi vitima no sasin. Vitima no sasin uluk tribunal fo notifikasaun maibe la kumpre tanba ne'e tribunal hasai mandadu kapturasaun hodi fo ordem ba polisia ba kaptura no hatama ba cella durante horas balun nia laran. Tribunal halo aksaun tentative ba kazu ida ne'e hanesan halao julgamentu maibe arguidu la marka prezensa bazeia ba artigu 275.2 hukum acara pidana ho razaun tribunal lahatene hela fatin arguidu.

Iha audiensi laran vitima ho sasin deklara katak arguidu tuku vitima nia oin to'o sain ran makas tanba deit problema vitima la fo barlaque ba arguidu nia primo. Depois rona hotu deklarasaun, maske advogadu privado Edmundo Efi mak reprezenta arguidu, tribunal hamonu sentensa fulan 6 prizaun no suspensaun pena durante tinan 2 karena provas katak arguidu halo duni krime ofensas corporal simples.

**Kazu ofensas korporal,
No kazu 24/c/2008,
Julgamentu loron 17 Julho no desizaun 18 Julho 2008**

Ministeriu publiku akuza arguidu nain rua maun-alin tanba baku vitima ida. Vitima hetan baku husi arguidu tanba vitima halai kareta makas no atu soke tan arguidu nain rua. Iha sira nia deklarasaun sira konfesa katak baku duni vitima liu tiha loron ida. Maibe vitima rezeita deklarasaun husi arguidu nain rua, tanba tuir lolos arguidu nain rua hamrik tiha estrada klaran mak tahanarguidu nia kareta. Arguidu dada sai vitma husi kareta laran no tuku iha kakorok, oin no tebe iha kanotak to'o hetan kanek. Sasin fo depoimentu katak nia hare arguidu sira baku duni vitima. Tribunal deside fulan 8 prizaun no suspensaun pena durante tinan rua no la selu taxa justice. Arguidu nain rua hetan assistensia legal husi advogadu privadu Mateus Nesi.

**Kazu ofensas corporal, No kazu 28/co/2008
Julgamentu loron 17 & desizaun loron 21 Julho 2008**

Ministeriu publiku akuza arguidu nain tolu (JM, AM, JG) tanba deskonfia halo krime ofensas korporal, dano bazeia ba artigu 351.1, 406 no 55.1 Kode Penal. Iha deklarasaun arguidu nain tolu konfesa baku duni vitima tanba deskonfia buan maibe rezeita estraga vitima nia uma. Sasin ida nudar vitima nia fen hateten katak arguidu sira baku vitima tanba deskonfia buan no sasin so hare deit arguidu JM mak tebe vitima nia kotuk. Sasin seluk deklara katak sira lahare arguidu nain tolu baku vitima maibe so hatene deit katak ema deskonfia vitima hanesan buan ne'ebe halo arguidu sira nian tiun mate. Iha sentensa, juiz deside tinan ida prizaun no suspensaun pena durante tinan tolu bazeia ba artigu 351.1 & 55.1. Kode Penal. Tribunal deklara katak laiha evidensia forte katak arguidu sira estraga vitima nia uma

**Kazu ofensas korporal,
No kazu 26/CO/TDO/2008,
Julgamentu no desizaun 17 Julho 2008**

Arguidu nudar professor voluntariu iha eskola pre-primaria konfesa baku duni vitima tanba ladun satisfas ho vitima nia hahalok les orariu exame ne'ebe arguidu taka. Tuir mai vitima deklara katak nia la les orariu maibe riska deit material exame no determina ba loron sabadu. Vitima hatutan tan katak nia hetan baku to'o ran no la halao nia aktividade durante semana ida nia laran. Juiz hamonu sentensa fulan 6 prizaun no suspensaun pena durante tinan 2 tanba provas katak arguidu baku duni no selu taxa justisa \$ 5,00.

**Kazu Ofensas Korporal,
No kazu 30/CO/TDO/2008
Julgamentu loron 18 Julho no desizaun 21Julho 2008**

Akuzasaun Ministeriu Publiku datada 9 Outubro 2007 vitima (Chefe Suco) lori material konstrusaun husi Oecusse ba Malelat. Wainhira to'o iha Malelat vitima bolu arguidu MU nudar tezoreiru hodi selu kareta ne'ebe vitim aluga. Tanba la halo tuir vitima, vitima tolok no basa arguidu dala rua, buti tan kakorok, depois arguidu responde no baku vitima nia oin dala tolu no hetan kanek. Iha nia deklarasaun, arguidu konfesa baku duni vitima. Advogadu privadu Mateus Nesi ne'ebe reprezenta arguidu husu ba tribunal atu halo alterasaun artigu ne'ebe akuza hasoru nia kliente ne'e ho intensaun defende an. Juiz decide absolve arguidu husi akuzasaun tanba hahalok arguidu hanesan defende an bazeia ba artigu 49.1 Kode Penal .

Atu hetan informasaun klaru bele kontaktu :

Casimiro dos Santos

Diretor Interino JSMP

Email: casmiro@jsmp.minihub.org

Landline: 3323883